

# Aamahkhan

## Na phaisa tuahtoning ttialnak



### Aamahkhan cu zeidah a si?

Aamahkhan cu thil pakhat khat a tthatlo tikah a airawl tuahnak man kha a hluh. Abianaah,

- ▶ khual na tlawnnak ah na mobile zalchung in na thlak sual i a kuai caah a thar cawk na herh.
- ▶ mawttaw in na khawnden caah sii lei zohkhenhnak na pek a herh i na mawttaw remh a hau

### Aamahkhan pawlisi cu zeizah a si?

Aamahkhan pawlisi cu upadi ningte in tuahmi hnatlaknak, na ngeihmi thil a rawhral tikah a airawl tuahpiaknak asilole remhnak caah phaisa na pek mi a si. Cu tuahnak caah cun aamahkhan man kha na pek.

### Aamah a khantu hi tah zeidah a si?

Aamah a khantu cu aamahkhan a zuarmi kampani an si. Australia chungah hin aamahkhan kampani phun tampi an um.

### Aamahkhan phun pawl

- ▶ **Mawttaw aamahkhan** nih na mawttaw na hrawh asilole an fir tikah an in rulh.
- ▶ **Inn aamahkhan** nih na inn pakhat khat a can tikah a airawlh nak a hluh (abianaah, mei nih a kangh asilole thlichia nih a hrawh).
- ▶ **Thilri aamahkhan** aamahkhan nih na innchung um mi thilri tthutdan cabuai, thilpuan, innchung hmanmi seh le suingun pawl a airawl tuahnak asilole a remhnak a hluh.
- ▶ **Nunnak aamahkhan** anih na thih tikah khiahmi phaisa zat kha an pek. Nangmah nih pekding in na thim mi minung sinah pek a si (na pawlisi chungah aa ttial)
- ▶ **Khualtlawnnak aamahkhan** nih khual na tlaw n lio i harsatnak na ton tikah na dihlem mi kha a hluh. Abianaah: na dam lo asilole na khawnden caah i zohkhenh na hau; thil pakhat khat na thlau caah a airawlh na herh; na thil pakhat khat an fir caah a airawlh na herh; asilole na khualtlaw n ning aa thleng (abianaah na vawnlawng a zuang ding a si tthan lo)
- ▶ **Zawtfah ca aamahkhan** nih na zawt asilole na khawnden tikah a dihmi kha a hluh.
- ▶ **Mobile aamahkhan** nih na fawn ah a cang khomi remhnak man kha a hluh (abianaah, na fawn a ttha ti lo asilole na hrawh)

### Hngal Peng

- ▶ Aamahkhan cu thil pawl an rawh sual tik caah pek mi phaisa a si.
- ▶ Aamahkhan nih thil pawl pakhat khat a can tikah a airawlh nak a hluh.
- ▶ Australia ah hin mawttaw tibantuk pawl aamahkhan chiah hrimhrim a herh mi thil an um.

### A tamdeuh hngalhnak caah

Tamdeuh in hngalh na duh ahcun MoneySmart website, [www.moneysmart.gov.au](http://www.moneysmart.gov.au), ah hin zoh asilole 1300 300 630 ah hin chawn hna.



### Euly le Apol cu an inn thar ah an i ttial

Euly le Apol cu inn thar an caw i an i nuam ngaingai. Inn thar i ttialnak caah tthutdan cabuai le TV le fridge tibantuk pawl an i cawk hna. Cun man a ngei ngaingai mi pumpak thilri, suingun le computer tibantuk pawl zong an ngei fawn.

Apol cu a hawi pa nih aamahkhan chiah a fial zeica tiah na ca i a biapi mi thil pawl an rawhral tikah a airawlh nak asilole a remhnak a hluh. Apol nih Euly he an ngeih mi thil pawl an caah zeitluk in dah an biapit ti kha a ruat.

Apol nih aamahkhan pawlisi caah zeitluk hrawng dah a dih lai ti hngalhduh ah aamahkhan kampani pahnih a chonh hna. Aamahkhan pawlisi cu a mah le aamah a khantu nih hi vial hi a hluh lai tiah hnatlaknak an tuahmi a si kha a hun hngalh.

Apol cu aamahkhan kampani paoh nih khan excess timi kong kha an chimh. Cucu thil remhding in na hal tikah na pek a herh mi phaisa a si. Claim timi cu na pawlisi nih a hluh mi thil caah liam halnak a si ti kha Apol nih a hngalh cang.

Apol le Euly cu an inn remh a herh sual tikah a remh man a hluh dingin inn aamahkhan chiah dingah an i phetchat. Cun a dang aamahkhan- thilri aamahkhan- zong an innchung thilri tlaw sual le rawh sual caah an tuah chih. Cu pawl cu an thilpuan, tthutdan cabuai, innchung hman mi seh pawl le computer tibantuk pawl an si.

Euly le Apol cu a dang aamahkhan phun kong kha an ruat. Euly nih a hawi nu a nu a damlo tik caah aamahkhan aa chiahnak le a zawt tikah sii lei zohkhenhnak ah a dih mi an bawmhnak kong Apol cu a chimh.

Euly le Apol cu an inn le an thilri pawl pakhat khat a si sual tikah a hluh dingmi aamahkhan an ngeih caah an hna a ngam. Damlo ca aamahkhan zong hi hmailei ah kan i tuah tthan te lai tiah an ruah.

This page has been intentionally left blank.